


www.BibleForChildren.org


Madiu 8



Sabwelo 'eluwa sigumwala ma hehai sipaihowa 'asa
sanina Kena 'oina, beno Galili 'ina tupwa 'oina.
Hehaiina solana Yesu sinana 'imiyamiya. Ta Yesu wete
ma'ana tomuliyao hehaiina 'oina sibwauwediya ma
siluhuwa 'e'ahaiina si'aiya.



Cidi 'aiina solana 'adi waini mabwaiyana 'igumwala,
'oinega Yesu sinana 'ihewaeya 'igwae, "Natugu,
waini mabwaiyana 'igumwala pwaiya." Ma 'iyamo
Yesuina sinana topaihowao 'ihewaediya 'igwae, "Yesu
'enana wahesagohe, 'eguma to'aha nuwanuwana tuwa
wada paihowa."



Coinega Yesu topaihowaedi 'ihegwaediya
ma we'aha patuwedi gaugaulidimo
we'ahega silohemahediya ta mabwaiyadi
simaha. Ma wete 'ihegwaediya ma we'aha
patuwedi 'oidiyega we'aha tupwadi
sigoidiya ma sitauyediya
haiina toni wagana 'oina.




Coinega hehaiina toni wagana we'ahedi 'inuma
tohodiya, ta 'adi 'amna bwebwe'ana. Weyahina
we'ahedi 'ihemala waini
pwaiya, tuwa waini moisa.
Beno 'oina hehaiina toni
waganaina geya 'isanapu
ta'ehaga waini bewa
si'eweya, benomo
topaihowaedi
sisanapuya.



Eema hehaiina toni wagana tohai loheyana
'ihegwae gahuweya 'igwae, "Togidega ta waini bewa
bwebwe'ana ne'abwega
tuwa 'abwa 'ulagu
latuheyama? Ma hesi
'uda sanapu 'abehega
tauda mumugada beno
waini bwebwe'ana
ta'ebwae
nugetedi tomota
'oidiya 'abwa
muliyetega
waini
galana."





Beno Yesu 'ina 'ila'ilala waiwaina
'ihegaine nugeteya 'asa Kena 'oina,
beno Galili tupwaina, ma
'ihe'itaeya tomota 'oidiya,
ma wetenuge 'ina waiwai
si'iteya, 'oinega 'ana
tomuliyao sihemisaeya.



Coinega Yesu Pita 'ina hada 'iluhuwa,
ma Pita lawana 'i'iteya 'ilohala,
wahina 'iloyahiyahiya.



Eeta 'inaowa ma nimana 'i'abiya, ma 'ina lohala
'isawala, ma 'itoholowa ma 'e'ahai 'i'atububuya
Yesu weyahina.




Ma 'ilahilahi, sinala 'isopu pwaiya, ma tomota 'idi
tolohalao ma wete taudi hi'ahi'a 'i'abi hebuwediya
sitoedima Yesu 'oina.

Ma wete 'asa 'ana
tomiyao mabwaiyadi
sihegogona ma hada
mata'ahwana
sitotoholo.



Coinega tolohalao mabwaiyadi ma wete taudi
hi'ahi'a 'i'abi hebuwediya mabwaiyadi Yesu
'i'abihe bwebwe'enediya. Ma hi'ahi'a 'i'ausidiya,
'igwae, "Geya'abwa wahehepwailegau," weyahina
Yesu sisanapuya.




Bodaedi mabwaiyadi nuwanuwadi ma Yesu si' abitoho
ma 'oinega 'adi lohalao sigumwala, weyahina si' iteya
Yesu 'oina waiwai
'imiyamiya.




Ma boda topeu 'aigeda ma hewaina si'eweyama ma
'ana to'ahalaedi sitehata si'ahaliyama.



Ma sitohoya ma topeuina siluhuwe
Yesu 'oina, ma geya sowasowahidi,
weyahina boda 'imadou
hedada, eeta si'ahala
haneheya hada
tabwana, ...




... ma 'ana 'atoha sibwaleya,
'igumwala eeta topeuina ma
hewaina sihedawedaweya,
Yesu matana silaguya.




Coinega Yesu loheloheyaedi
'idi hemisa 'isanapuya ma
topeuina 'ihewaeya,
"Natugu, 'ino puiyao
mabwaiyana
yanuwasamudiya."
Coinega topeuina
'ihewaeya, "Taugu
bewa yahegwago
'Cutoholo 'ino
'ebe'eno
'u'ahali ma
'utauya
'ino 'asa.'"



Coinega Yesu ma 'ana tomuliyao sigeluwa wagai,
ma sihabahabala hali tupwa, ma
Yesu waga 'alona 'i' eno sineya.
Ma muliyetega wediliya
madouna 'itowa, ma
bagodu 'isiwasiwa di'wa
wagai, ma 'i' iunamo
ma sidamana.



Ma 'ihegwaediya, "To'aha weyahina wamatauta?
Togidega geya 'imi hemisamo, 'awa?" Coinega
'itoholowa ma yaumai ma bagodu 'iheliyediya, 'igwae,
"Walolagu!" Ma ni'u mabwaiyana 'idaumwala.
Coinega tomotaiyedi si'iteya
nuwadi 'ihenainaida ma sigwae,
"To loheya bewa,
ta yaumai ma bagodu
'enana simuliyeya?"



Comi tomiya
bale'u Yehoba
'ihelauwegomiya sinabwana, 'oinega
taugu natunaina 'aigeda tuwa 'itagwal
egauwa 'oimiya, ma 'oinega taiyawedi
'omi 'eguma wahemisaegau, geya
'abwa wahehesilae, ma hesi
yawasimi miyamiya
hatayana
waloba.



Loma 3:23 Weyahina mabwaiyada togala, ma tamiya
bwagabwaga Yehoba 'ina 'asilala 'oinega.

Loma 6:23 Weyahina pui 'ana maisa 'amasa, ma hesi
Yehoba 'ina helau beno yawasida miyamiya hatayana,
'ida Bada Yesu Keliso 'oinega.

Ibeliu 9:27 Tomota tauda 'ada lolina 'imiyamiya 'abehega
ma'aigeda ta'amasa ta muliyetega bwa'omatana.

Epeso 2:8,9 Moisa, 'ina 'eheleina 'oinega
'i'abihetegomiya 'imi hemisa weyahina ma geya waboi
'imi paihowa 'oidiyega, ma hesi Yehoba 'ina helau
'oinega. Cida 'abiheteina geya hene 'ida paihowa 'oinega
taloba, nata gide tanuwahane 'abehega tauda
tuwa 'ida waiwaiyega.



Loma 10:9,10 Ma 'abehega Yehoba 'i'etolemegita
'eguma 'ahwadega tatagwatagwala ma tagwae, "Yesu
'owa 'igu Bada", ma 'atedega tahemisa'e 'abehega
Yehoba Yesu 'i'abihe toholohileya 'amasega.
Weyahina 'atedega tahemiseya eeta Yehoba
'i'ahwa dumwaluwegita. Ta wete tahetohepwaila
weyahina, ma 'i'etolemegita.

Yoni 3:16,17 Comi tomiya bale'u Yehoba 'ihelauwegomiya
sinabwana, 'oinega taugu natunaina 'aigeda tuwa
'itagwalegauwa 'oimiya, ma 'oinega taiyawedi 'omi
'eguma wahemisaegau, geya'abwa wahehesilae, ma hesi
yawasimi miyamiya hatayana waloba.

Ta Yehobaina natunaina taugu 'ihesumanegauma
bale'uwa geya 'abehega yaloinaegomi, ma hesi yatauyama
'imi pui 'oidiyega sabi lemegomi.



1 Yoni 5:11-13 Ma 'ina hepwailaina 'abehega Natuna
'oinega yawasida miyamiya hatayana 'i'ebwaegita.
Ceguma taiya Yehoba Natuna 'oina 'imiyamiya, loheyaina
yawasina bwebwe'ana 'iloba pwaiya, ma 'eguma taiya
geya Yehoba Natuna 'oina, tauna geya.
Cimi leta bewa yalele pwaiyawa ma 'ane wasanasanapu
'abehega 'eguma Yehoba Natuna saninega
wahemihemisae, yawasimi miyamiya hatayana waloba.



Madiu 8-9; Maki 1-2, 4; Luke 4, 8; Yoni 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Bunama Bible (bdd) © 1991, Wycliffe Bible Translators,
Inc. All rights reserved.

<https://live.bible.is/bible/BDDWBT/MAT/1>

©2026 Bible for Children, Inc.

www.M1914.org

www.bibleforchildren.org

